



## SÈM PAISBASSÒLS



Escrit per « un còp èra » Courivaud Jaumelina, Midoux Lili e Joan-Jaume, Villebrun Miquèl

**Sèm paisbassòls, país d'Occitania  
I sèm, i sèm mai i demorarem,  
Canton polit de França  
Nautres i eissamarem.       } *BIS***

Sèm vinhairons, sèm fièrs de las vendémias  
Bevètz de lait, vos, paures montanhòls  
Nautres, chuc de la vinha  
Bevèm a plen rajòl.       } *BIS*

Dels aujòls vièlhs tenèm la resisténcia,  
Sabèm bramar e tanben romegar,  
A nòstra descendéncia  
Anam tot lor balhar.       } *BIS*

Vaquí l'estiu, cercam l'ombra fresqueta  
Mentre que vos sul sable, rastumatz  
Nautres, fasèm siesteta,  
Mèfi, te cramaràs !       } *BIS*

D'endacòm mai venon faire trempeta,  
Dins la mar nòstra, la fan desbordar,  
Nautres fasèm festeta  
Per vos i regalar.       } *BIS*

**Sèm paisbassòls, país d'Occitania  
I sèm, i sèm mai i demorarem,  
Canton polit de França  
Nautres i eissamarem.       } *BIS***